



KOMUNIKADU IMPRENSA

Konsiliaun entre Repúblika Demokrátika Timor-Leste no Commonwealth Austrália

HAIA, 29 Jullu 2016

Komisaun Konsiliaun Konkloi Reuniaun Prosesual ba Dahuluk

Iha Kinta, 28 Jullu 2016, Komisaun Konsiliaun halao Reuniaun Prosesual ba konsiliaun kompulsoria ne'ebé hahú entre Repúblika Demokrátika Timor-Leste ("**Timor-Leste**") no Commonwealth Australia ("**Australia**") tuir Anexu V husi Nasoens Unidas nia Konvensaun ba Lei Tasi nian (**Konvensaun**).

Reuniaun ne'e halao iha Peace Palace, iha kuartier-jeneral ba Tribunal Arbitrajen Permanente ("**PCA**") iha Haia, Olanda.

Reprezentante husi Timor-Leste mak S.E. Ministru Hemernegildo Pereira hanesan Ajente no Sra. Elizabeth Exposto hanesan Vise-Ajente, Profesor Vaughan Lowe QC, Sr. Michael Wood KCMG no Sr. Eran Sthoeger hanesan Konsellu, no Sra. Janet Legrand, Sr. Stephen Webb, no Sra. Gitanjali Bajaj hanesan representante legal. Nune'e mos, S.E. Ministru Kay Rala Xanana Gusmão, S.E. Embaixador Joaquim da Fonseca, S.E. Embaixadora Milena Pires, Sr. Simon Fenby, no Sra. Sadhie Abayasekara partisipa iha reuniaun ne'e hodi Timor-Leste nia naran.

Reprezentante husi Austrália mak Sr. John Reid hanesan Ajente no Sra. Katrina Cooper hanesan Co-Ajente, no Advogadu-Jeral Justin Gleeson SC, Sr. Daniel Bethlehem KCMG QC, no Sr. Bill Campbell QC hanesan Konsellu. Nune'e mos, S.E. Embaixador Brett Mason, Sra. Amelia Telec, Sr. Justin Whyatt, Sra. Indra McKormick, no Sr. Will Underwood partisipa iha reuniaun ne'e hodi Austrália nia naran.

Inisiasaun husi Konsiliaun ne'e

Timor-Leste hahú konsiliaun ne'e iha 11 Abril 2016 liu husi "Notifikasaun hodi halao Konsiliaun Tuir Seksaun 2 husi Anexu V husi UNCLOS" diriji ba Austrália tuir Artigu 298 no Anexu V ba Konvensaun.

Iha 2 Maiu 2016, Austrália submete "Austrália nia Resposta ba Notifikasaun Konsiliaun".

Membru nain lima ba Kompulsoria Konsiliaun ne'ebé harii iha 25 Juñu 2016 no Prezidente mak S.E. Ambassador Peter Taksøe-Jensen (Dinamarca). Membru sira seluk ba Komisaun ne'e mak Dr. Rosalie Balkin (Austrália), Juiz Abdul G. Koroma (Serra Leoa), Profesor Donald McRae (Kanadá and Nova Zelandia), and Juiz Rüdiger Wolfrum (Alemaña).

Ho konkordansia husi Parte sira, Tribunal Arbitrajen Permanente mak sai hanesan registru iha prosedimentu ne'e.

Hakat Tuir Mai

Hakat tuir mai ba prosedimentu sira ne'e mak sei iha audensia ida husi 29 to'o 31 Agustu 2016, iha ne'eba Parte idak-idak sei fó sai istoria husi konsiliaun no pergunta balu kona ba kompetensia husi Komisaun ne'e.

Tribunal Arbitrajen Permanente mak organizasaun intergovernmental ne'ebé Haia Konvensaun 1899 mak estabese ba Solusaun Pasifika ba Disputa Internasional. PCA iha Membru Estadu hamutuk 121. Kwartier-Jeneral iha Peace Palace iha Haia, Olanda, PCA fasilita arbitrajen, konsiliaun, buka faktu sira, no prosesu ba rezolusaun disputa sira seluk entre kombinasau husi Estadu sira, entidade Estadu sira, organzasaun intergovernmentais, no parte privadu sira. PCA nia bureau internasional agora dadaun administra hela disputa interestadu 8, arbitrajen investido-Estadu 75, no kazu 34 foun kontratu involve Estadu ida ka entidade públiku seluk. Bele hetan tan informasaun kona ba PCA iha www.pca-cpa.org.

Kontaktu: Tribunal Arbitrajen Permanente
E-mail: bureau@pca-cpa.org



Membru Komisaun Konsiliaun, Representante husi Timor-Leste no Austrália, no Representante husi Tribunal Arbitrajen Permanente hafoin tuir reuniaun prosesusual ba dahuluk.